

## Tillaga skóla- og frístundaráðsfulltrúa Samfylkingarinnar, Viðreisnar, Pírata og Vinstri grænna:

Skóla- og frístundaráð samþykkir að fela sviðsstjóra að setja af stað starfshóp til að meta og útfæra tillögur um framkvæmd grunnskóla- og frístundastarfs í norðanverðum Grafarvogi, skólahverfum Kelduskóla og Vættaskóla í ljósi þeirra miklu breytinga sem orðið hafa á nemendafjölda í einstökum starfsstöðvum á undanförunum árum. Starfshópurinn nýti í starfi sínu tillögur, kynningargögn og ábendingar sem fram hafa komið m.a. á fundum með starfsfólki og foreldrum og hafi það hlutverk að leggja fram útfærðar tillögur sem hafi það að markmiði að tryggja farsælt og gott skóla- og frístundastarf í norðanverðum Grafarvogi. Hlutverk hópsins verði jafnframt að huga að mótvægisáðgerðum sem nýtist nemendum og foreldrum þeirra í hverfinu. Starfshópurinn skipi þrjú fulltrúar frá hvorum skóla úr skólaráðum, þ.e. fulltrúi foreldra, kennara og stjórnanda, framkvæmdastjóri frístundamiðstöðvar auk fulltrúa skóla- og frístundasviðs. Skrifstofustjórar grunnskóla- og frístundamála fagskrifstofu leiði hópurinn auk þess sem starfsmaður hópsins komi frá skrifstofu. Starfshópurinn nýti í vinnunni rýnihópa valda með slembiúrtaki til að fá fram viðhorfum nemenda, foreldra, íbúa og starfsmanna. Starfshópurinn hafi samráð við umhverfis- og skipulagssvið um skipulagsmál í norðanverðum Grafarvogi. Hópurinn skili niðurstöðum til sviðsstjóra eigi síðar en 29. apríl 2019.

## Greinargerð

Nemendum í norðanverðum Grafarvogi hefur fækkað verulega síðastliðinn áratug og er svo komið að mjög rúmt er um nemendur í sumum skólabygginganna. Sérstaklega hefur nemendum fækkað í Kelduskóla Korpu þar sem nú er 61 nemandi í skólanum borið saman við ríflega tvöfalt fleiri nemendur eða 141 árið 2012.

Hér fyrir neðan er tafla sem sýnir nemendafjölda haustin 2012-2018 í norðanverðum Grafarvogi sem og nemendaspá til ársins 2023<sup>1</sup>. Þessar breytingar á fjölda barna á grunnskólaaldri kalla á að fyrirkomulag skóla- og frístundastarfs í norðanverðum Grafarvogi sé rýnt og endurskoðað til að tryggja farsælt nám og starf og góða nýtingu mannauðs og húsnæðis.

## Nemendapróun/nýjar íbúðir

Grafarvogur norður	Nemendafjöldi - rauntölur							Nemendafjöldi - spá með uppbyggingarsvæðum					
	Fjöldi nemenda og spá	2012	2013	2014	2015	2016	2017	2018	2019	2020	2021	2022	2023
Kelduskóli - Korpa		141	125	107	103	96	67	61	67	66	72	69	65
Kelduskóli - Vík		335	331	320	306	293	300	300	277	275	274	254	255
Vættaskóli - Borgir		168	169	204	201	212	196	219	242	253	251	233	220
Vættaskóli - Engi		357	357	305	289	274	285	244	245	241	246	252	261
<b>Samtals</b>		<b>1001</b>	<b>982</b>	<b>936</b>	<b>899</b>	<b>875</b>	<b>848</b>	<b>824</b>	<b>831</b>	<b>835</b>	<b>843</b>	<b>808</b>	<b>801</b>

### Húsnæðið í Kelduskóla - Korpu

Húsnæðið var tekið að fullu í notkun haustið 2005 og er 2.100 m<sup>2</sup> að stærð án íþróttarýmis. Skólabyggingin er fyrir 170 nemendur og í henni eru 5 stór heimasvæði sem hvert um sig tekur u.þ.b. tvo bekki, milli heimasvæðanna eru lítil námssvæði. Listgreinaaðstaðan í byggingunni hentar mjög vel til kennslu yngri nemenda og íþróttahús er af minni gerðinni. Í húsnæðinu er einnig bókasafn, mötuneyti og salur. Skólaárið 2018-2019 eru 61 nemandi í Kelduskóla-Korpu.

### Húsnæðið í Kelduskóla - Vík

Húsnæðið var tekið að fullu í notkun haustið 2003 og er 3.950 m<sup>2</sup> að stærð án íþróttarýmis. Skólabyggingin er fyrir 300-350 nemendur og í honum eru 18 heimastofur. Íþróttahúsið er af minni gerðinni en nýtist skólanum og frístundastarfinu mjög vel. Listgreinastofur eru mjög rúmar og vel búnar. Í húsnæðinu er einnig bókasafn, mötuneyti og salur. Skólaárið 2018-2019 eru 300 nemendur í Kelduskóla-Vík..

### Húsnæðið í Vættaskóla - Engjum

Húsnæði Vættaskóla - Engja var tekið í notkun árið 1997. Skólabyggingin er 4.483 m<sup>2</sup> án íþróttarýmis, byggð fyrir 400 nemendur og mjög vel búin. Í starfsstöðinni eru 244 nemendur skólaárið 2018-2019..

### Húsnæðið í Vættaskóla - Borgum

Skólabygging Vættaskóla-Borga var tekin í notkun árið 2000. Húsnæðið er 3.930 m<sup>2</sup> án íþróttarýmis, byggt fyrir 300-350 nemendur og mjög vel búin. Í Vættaskóla-Borgum eru 219 nemendur skólaárið 2018-2019.

### Samantekt á stærð skólahúsnæðis í norðanverðum Grafarvogi

#### Tafla

Skóli	Stærð húsnæðis í fermetrum	Rúmar u.þ.b.
<b>Kelduskóli Korpa</b>	2100 m <sup>2</sup>	170 nem.
<b>Kelduskóli Vík</b>	3950 m <sup>2</sup>	300-350 nem.
<b>Vættaskóli Borgir</b>	3930 m <sup>2</sup>	300-350 nem.
<b>Vættaskóli Engjum</b>	4483 m <sup>2</sup>	400 nem.

Á þessu korti má sá staðsetningar skólabygginganna fjögurra sem um er fjallað.

